

蒼

梧

詞

蒼梧詞序

若使人間罷長恨之歌天上少銷魂之
曲井公多暇惟解投壺彭老無愁未嘗
觀井則秦缶不彈燕歌遂歎石何言於
晉國鶴無語於堯年無如海水長乾蓬
必淺趙廁有不平之客吳關多可憎

之人此則大夫思告其哀匹士願歌其
事言之不足悲矣如何且夫鳩豈善於
爲媒魚寧可以作媵子虛亡是詎常真
有其人暮雨朝雲要亦絕無之事然而
宋玉以寄其形容相如以成其比興固
知情難躋實事比鏤塵託譏謎以言愁

借謔詼以寫志凡茲抹月批風之作悉
類詛神罵鬼之章達者喻之空花愚夫
求之楮葉今有參龍華胄繡虎雄才名
已動於春官身甫偕夫計吏而楚國亡
猿塞翁失馬叩丹霄而無路攀紫闥以
誰階泣不成聲逝將安適時則四海誰

容三年不笑西遊盤屋聽雞渡函谷之
關東返輾轅立馬望咸陽之坂北風拉
沓高臺颯其無人南內荒涼夜烏咽而
相語此皆扶荔遺基長楊廢館金戈夜
響則群雄蹴踏之鄉鐵壘晨摩則悍帥
奮揚之地漢高皇大風置酒起舞悲來

唐立宗夜雨聞鈴沾襟淚下旣美人駿
馬之安在亦故宮陳迹之極多於是萬
感風生千端蜩集蘸杯槃而狂噉墨欲
成龍濡頭髮以作書字皆成蚪每於鐘
鳴燈灺之餘恒作劒拔弩張之勢狂時
漫寫定屬神來醒後詳觀不知誰作又

或掛玉筵前絕纓會上一雙紅綬見隔
巷之新人半夜青衫遇下江之故技夢
華小錄彷彿前生花月新聞依稀故事
亦復曲付何戡調翻穆護安公子閒歌
一曲小秦王高唱三章金柔玉軟青娥
閒譜其聲情斗轉參橫白髮暗傳其點

拍信陵君醇酒婦人而外他何知乎盧
思道曰擲劇飲之風君其是矣僕也老
而失學雅好填詞壯不如人僅專顧曲
慨自鄒董旣亾之後淚滿蟬鈿况復曹
王久別以來心灰兔管見吾友之一編
動鄙人之三歎啼成紺碧不讓江潭紅

豆之思泣化瓊瑰何殊風雨蒼梧之恨
永傳樂府長播詞林

陽羨同學弟陳維崧撰

蒼梧詞序

文生於情情生於境哀樂者情之至也莫
哀於湘纍九歌天問江潭之放爲之也莫
樂於蒙莊逍遙秋水濠上之游爲之也推
而龍門之史茂陵之賦青蓮浣花之詩右
軍長史之書虎頭龍眠之畫無不由哀樂
而出者何況乎詞每念李後主小樓昨夜

又東風輒欲以眼淚洗面及咏周美成低
鬟蟬影動私語口脂香則淚痕猶在笑靨
自開矣詞之能感人如此吾讀董子舜民
蒼梧詞而歎其合焉董子以蘭陵佳公子
爲名孝廉忽遭註誤侘傺不自得於是西
出秦關東走粵嶠登大梁之城泛小孤之
渚過咸陽弔祖龍之陵入烏江哭重瞳之

廟陟夫椒問吳王之故宮眺鄴臺尋魏武
之遺跡則有興亡如夢慷慨餘哀者矣然
而家有田園室多圖書佳婦比肩並坐鼓
瑟乃至鄧尉探梅段橋對月浮家洞庭之
澤銷夏芙蓉之灣彈琴而看文君買釵以
貽徐淑李居士書藏金石管夫人畫擅梅
花人生樂事莫過於此而董子一於詞乎

發之故以抑塞磊落之才使飛揚跋扈之
氣以嶽峙窈窕之遇抒纏綿悽愴之懷其
爲詞也或取諸騷焉或取諸子焉或取諸
史焉或取諸賦與詩焉或取諸書與畫焉
無不有也無不似也豈非哀樂過人一往
有深情者乎或者謂聲無哀樂詞亦何能
感人試以蒼梧一編付之銅將軍鐵綽板

一唱而涼風生再奏而繁霜落如聽雍門
之琴莫不歔歔泣下矣又使雙鬟女郎按
紅牙歌之則彩雲爲之徘徊青鳥隨而翔
舞如明皇擊羯鼓四顧柳杏有不嫣然發
笑者乎

長洲同學弟尤侗撰

蒼梧詞序

余與舜民居同里同舉孝廉二十餘年會晤殊
密歡好甚數年前舜民移居青墩距城五六里
許踪跡稍稍踈然舜民每入城必過余談笑今
年春余偕毛旦齋龔琅霞二子過青墩舜民摘
園蔬佐酒茂林修竹間分韻賦詩因出蒼梧詞
命爲序越兩月忽傳舜民就醫來城中急訪之

見舜民肩背發腫呻吟轉側手握白塵尾坐地上謂予曰蒼梧詞序成乎母負予也予曰待秋風時爲之未晚未幾而舜民病益甚竟不起嗟乎舜民而竟如是已乎爰更反復其詞擬卽述數言付其孤一展誦靈幃之側甫握管而淚涔涔下不可止又已之一日其兄賓實過余曰蒼梧詞刻將竟矣子序勿更緩也余翻然曰人生

百年之物忽忽與腐草同湮沒者何可勝計舜
民能以蒼梧一詞流傳後日使姓氏不没人間
雖死何恨而予又奚悲况舜民之詞能按古譜
出新意在所必傳宋之能詞者六十餘家如秦
少游高竹屋姜白石史邦遠吳夢窓數子始可
稱以新意合古譜者楊誠齋論詞六要一曰按
譜一曰出新意是也苟不按譜則歌韻不協歌

韵不協則凌犯他宮非復本調不出新意則必蹈襲前人卽或鍊字換句而趣旨雷同其神味亦索然易盡今觀蒼梧詞旣絕此二病而於秦史諸家貫穿變化別成一家之言其並傳也奚疑哉咎曹子建與楊修書云丁敬禮嘗作小文使僕潤色之僕自以才不過若人辭不爲也敬禮謂僕卿何所疑難文之佳惡吾自得之後世

誰相知定吾文者予於蒼梧詞所以遲之又久而不敢序者亦竊謂才不過舜民今勉爲之僅免舜民後世誰知之歎然而吾文舜民已不及見其負吾友也不可解矣往者文友作蓉渡詞屬余序未果至文友歿數月始成今序蒼梧亦然何於董氏昆季多歉歉也嗟乎余與文友舜民二子謂百年已分可長共相保何圖十數年

間零落殆盡余也以樗櫟凡材覬然人世顛毛
種種無可稱述其重愧二子不旣多乎二子有
知應笑予也

康熙歲次丁卯十月朔日年眷弟陳玉璣椒峯
氏撰



蒼梧詞選後叙

從兄元名賓實氏記

歲丁卯三月易農叔微泉閣集成余顧舜民而嘆嘆
已而泣泣已而復嘆曰嗟乎哉叔真可謂學者然亦
幸而有弟而茲集得以不墜于地也後起者其在君
耶舜民間之慨然不樂曰予之功名事業去叔遠甚
予之經學史學及詩歌古文詞亦去叔遠甚何敢望
叔之項背耶余應之曰否否業不期于全期于可傳
况叔之所爲經學史學及詩歌古文詞者弟皆有以

相成之何言難與叔齒也且于詞之一道尤杰出曾
記阮亭王先生每口口稱晉陵陽羨卽海內諸名家
亦往往不以君詞置陽羨下而君又年行五十不可
不及強而仕仕則定須十年如此者亦殆將老矣舜
民愀然愕然曰微兄言茲事殆不可緩也因卽出其
篋中之已刻未刻者若而篇其有攬勝紀遊有情無
文者其爲題又若而篇計日補成之不三月而付梓
取而讀焉馴矣肆矣向之阮亭先生所謂晉陵陽羨
者果不虛矣嗟乎哉誰料良工苦心天奪其紀卒以

七月之望疽發背死嗚呼痛哉一時殘編斷簡墨汁淋漓兄弟友朋哀號悽愴何暇計有今日出而問諸世哉乃一字僅存其孀其孤卒不肯委而棄之也遂亟請于同年之椒峰先生曰此亦何忍沒也先生不棄遂揮淚援筆而爲之序序成而見卷帙之中或先或後或繁或簡多失倫次同人往往議之鄒子觀上惜其詞之甚又爲之請余應之曰舜民之于詞學幾三十年亦可爲標新領異月變而歲不同矣其間篇章之重疊格調之奇幻可以轍前賢跨近代者何啻

盈箱累軸是集也但取其生平之所最賞心者存之
或于宮譜淆訛字句舛裂與夫事跡諱忌者姑置之
至其卷帙之長短後先一一皆生前自爲之並未用
意改竄也蓋寧略無詳寧精無襍業不期于全期于
可傳是余之志也夫亦舜民之志也夫嗚呼舜民也
而如是耶亦可哀也已

蒼梧詞目次

卷一

小令一

十六字令一首

閒中好二首

明月斜一首

南歌子第一體二首

三臺令七首

摘得新二首

花非花三首

南歌子第二體二首

荷葉杯第二體一首

望江南三十首

瀟湘神二首

搗練子三首

字字雙

一首

憶聖孫

二首

一樂落

一首

轉應曲

二首

如夢令

三首

歸自遙

一首

望江怨

一首

定西番

一首

長相思

二首

相見懽

一首

望梅花

一首

醉太平

四首

薄命女

二首

生查子

第一體四首

醉公子

四首

春光好

一首

蝴蝶兒

一首

昭君怨

一首

太平時 一首

拋毬樂 一首

女冠子 二首

醉花間 二首

點絳脣 二首

濕羅衣 一首

浣溪沙 二首

菩薩蠻 一首

卜算子 一首

減字木蘭花 二首

巫山一段雲 一首

卷二

小令 二

訴衷情 第四體 一首

醜奴兒令 二首

謁金門

一首

好事近

一首

柳含烟

一首

好時光

一首

一落索

一首

憶秦娥

二首

更漏子

四首

清平樂

六首

誤佳期

一首

相思引

一首

憶少年

一首

荊州亭

一首

睂峰碧

一首

阮郎歸

一首

畫堂春

三首

玉連環

一首

海棠春

四首

桃源憶故人

一首

錦堂春 一首

三字令 二首

朝中措 十首

眼兒嬌 一首

攤破浣溪沙 二首

喜團圓 一首

河瀆神 一首

醉鄉春 二首

陽臺夢 一首

柳梢青 二首

賀聖朝 一首

茶瓶兒 一首

少年遊 一首

偷聲木蘭花 五首

西江月 二首

滿宮花 二首

應天長 各體二首

惜分飛 一首

憶漢月

一首

月中行

一首

鏤鏤金

一首

思越人

一首

思遠人

一首

南柯子

一首

醉紅粧

一首

青門引

一首

醉花陰

一首

玉團兒

一首

尋芳草

一首

怨王孫

二首

江月晃重山

一首

杏花天

一首

浪淘沙

一首

摘紅英

一首

風馬兒

一首

卷三

小令三

雙調望江南 十首

芳草渡 一首

金鳳鈎 一首

鷓鴣天 七首

玉樓春 十首

瑞鷓鴣 五首

南鄉子 二十六首

虞美人 五首

春去也 一首

鵲橋仙 二首

夜行船 二首

醉落魄 一首

一斛珠 一首

小重山 一首

踏莎行

一首

惜分釵

一首

七娘子

一首

東坡引

六首

卷四

中調

一

臨江仙

各體十首

蝶戀花

三首

還方怨

一首

後庭宴

二首

釵頭鳳

二首

唐多令

二首

一剪梅

二首

錦帳春

一首

繫裙腰

一首

定風波

一首

漁家傲 十四首

破陣子 一首

金蕉葉 一首

青杏兒 一首

蘇幕遮 一首

落燈風 一首

甘州遍 一首

鳳卣杯 一首

醉春風 三首

風中柳 一首

麥秀兩岐 一首

酷相思 二首

芭蕉雨 一首

品令 一首

卷五

中調 二

行香子 二首

玉梅令 一首

聲聲令 一首

錦纏道 一首

賣花聲 一首

解佩令 一首

青玉案 三首

感皇恩 一首

看花回 一首

鳳塵閣 二首

殢人嬌 二首

兩同心 一首

天仙子 二首

佳人醉 一首

月上海棠 一首

江城子 一首

小桃紅 一首

連理枝 一首

千秋歲

二首

離亭燕

一首

西施

第二體一首

隔浦蓮

近拍一首

師師令

一首

隔簾聽

一首

風入松

第一體一首

傳言玉女

一首

河滿子

一首

百媚娘

一首

解蹀躞

一首

剔銀燈

一首

婆羅門引

一首

荔枝香

一首

拍闌干

一首

于飛樂

二首

祝英臺近

一首

撲蝴蝶

一首

側犯 一首

四園竹 一首

御街行 各體二首

一叢花 一首

送入我門來 一首

過澗歇 三首

鎮西 一首

卷六

中調 三

金人捧露盤 一首

紅林擒近 一首

踏青遊 一首

柳初新 一首

鬪百花 一首

驀山溪 一首

早梅芳 一首

新荷葉 一首

瓜茉莉 一首

拂霓裳 一首

千秋歲引 一首

迷仙引 一首

滿路花 二首

洞仙歌 三首

秋夜月 一首

霜天曉角 一首

蕙蘭芳引 一首

簇水 一首

華胥引 一首

恩愛深 一首

江城梅花引 一首

步月 一首

惜紅衣 一首

八六子 二首

勸金船

一首

魚遊春水

一首

雪獅兒

一首

愁春未醒

一首

一枝花

一首

鵲踏花翻

一首

宣清

一首

意難忘

一首

東風齊着力

一首

轆轤金井

一首

法曲獻仙音

二首

卷七一

長調

滿江紅

五十一首

尾犯

一首

惜秋華 一首

金浮圖 一首

六么令 一首

玉漏遲 一首

水調歌頭 五首

滿庭芳 三首

卷八

長調 二

鳳凰臺上憶吹簫 二首
漢宮春 三首

燭影搖紅 二首
塞垣春 二首

夢揚州 一首
倦尋芳 一首

瀟湘夜雨 一首
天香 一首

醉蓬萊

一首

長亭怨慢

一首

慶清朝慢

一首

夏初臨

一首

聲聲慢

三首

雨中花慢

一首

八聲甘州

一首

暗香

一首

黃鸝遶碧樹

一首

燕春臺

一首

揚州慢

一首

黃河清慢

一首

雙雙燕

一首

月下笛

一首

孤鸞

一首

八節長歡

一首

珍珠簾

一首

三姝媚

一首

玉蝴蝶 一首

月華清 一首

高陽臺 一首

瑣窓寒 一首

金菊對芙蓉 三首

新雁過粧枝 一首

東風第一枝 三首

玉燭新 一首

卷九

長調 三

念奴嬌 十八首

遶佛閣 一首

四代好 一首

渡江雲 一首

解語花 一首

春夏兩相期 一首

絳都春

一首

五福降中天

一首

萬邦歡

一首

御帶花

一首

曲遊春

一首

玲瓏四犯

一首

木蘭花慢

三首

桂枝香

一首

莊椿歲

一首

水龍吟

四首

畫錦堂

一首

齊天樂

四首

戀芳春慢

一首

宴清都

一首

卷十

長調

四

石州慢 一首

氏州第一 一首

南浦 一首

瑤花 一首

憶舊遊 一首

瑞鶴仙 二首

春從天上來 一首

喜遷鶯 一首

霓裳中序第一 一首

雨淋鈴 一首

安平樂慢 一首

綺羅香 二首

永遇樂 二首

二郎神 一首

瀟湘逢故人慢 一首

西河 一首

解連環 一首

秋霽 一首

飛雪滿羣山 一首

望遠行 一首

菩薩蠻慢 一首

望湘人 一首

望海潮 二首

泛清波摘遍 一首

一萼紅 二首

一寸金 一首

薄倖 一首

鬲馬索 一首

風流子 六首

卷十一

長調 五

疎影 一首

大聖樂 一首

霜葉飛 一首

江南春 一首

高山流水 一首

小梅花 二首

過秦樓 一首

洞庭春色 一首

蘇武慢 一首

惜餘春慢 一首

沁園春 二十一首

輪臺子 一首

丹鳳吟 一首

八歸 一首

摸魚兒 一首

卷十二

長調 六

賀新郎 二十四首

金明池 一首

笛家 一首

畫屏秋色 一首

春風裊嫋 一首

白苧 一首

蘭陵王 一首

十二時 一首

瑞龍吟 一首

大酺 一首

西平樂 一首

多麗 一首

玉女搖仙佩 一首

六醜 一首

六州歌頭 一首

小諾皋 一首

寶鼎現 一首

怨朱絃 一首

三臺一首

哨遍一首

戚氏一首

鶯啼序一首

蒼梧詞卷一

武進董元愷舜民撰

濟南王士禎阮亭評

同里陳玉璣椒峰閱

小令

十六字令

詠燭

紅燭暗。雙流淚影。淺休便剪。畱取照郎心。

許生洲曰。移此照人。正令渠儂。同照。倘別取。分明。便似太真。牛渚。殊非詩人忠厚之意也。

閒中好

別意

閒中好。別意生庭草。含淚向窗紗。殘痕照落花。

又

閒中好。春信吹芳草。裙帶綠於烟。東風又幾年。

王阮亭曰。黯然消魂。只東風又幾年。可廢文通一賦。

明月斜

夜坐

篆烟紅。淚花綠。銀漢迢迢墮。入懷黃河。萬里響心曲。

阮亭曰是古樂府不當作詞讀

南歌子 第一體

閨怨

儂取冰爲枕。儂持藥作衾。一夜苦寒侵。五更天欲曙。涕淫淫。

陳叔峰曰絕似子夜四時歌

又

郎似江邊水。儂如江上花。花落水無涯。東風吹欲起。逐風斜。

楊芝田日說
得東風有情

王臺令

洞庭雜興

萬頃平湖似鏡，千峰列嶂如環。
處處倪迂范緩家家，霧髻雲鬟。

又

策杖丹梯翠嶽，肩輿綠意紅情。
藉草爭來獻茗提壺，忽地聽鶯。

又

幽是包山林屋高爲飄緲仙峰攬勝石公石姆探奇
大龍小龍

又

錦泛千層桃浪光搖萬樹梨花樹樹紅飛白雪層層
碧映朱霞

又

銷夏山林城市中春剖橘搓橙一葉舟浮箇箇千帆
閣帶盈盈

又

宅有鴟。羹少伯。巷傳角里先生。山果頽頽可摘。湖魚縮項旋烹。

又

日落山空響。梵風來樹杪。生濤一卷洞中。周易三杯。醉後離騷。

任青際曰一幅瀟湘八景圖我欲坐臥其中

摘得新

闌思

燭滅時思郎。淚暗垂相思。誰與共月明。知月明照出。

相思字是郎詩

詠玉簪花

白玉簪瑤池月影臨搔頭斜照水鬢雲侵阿誰不放
愁心展正多心

花非花

古意

黃蘗籬合歡樹樹成蹊籬當戶儂身不共合歡時儂
心偏見生離苦

吳天石曰以漢魏語
譜人大晟有此樸豔

又

柳○絨○愁○蕉○結○恨○恨○千○條○愁○一○寸○郎○行○終○日○無○舒○時○郎○
來○一○夜○都○開○盡○

詠韭

舍○東○畦○霜○後○圃○比○青○莠○舒○翠○縷○知○君○昨○夜○故○人○來○爲○
我○殷○勤○剪○春○雨○

南歌子

第二體

閨繡

螺○筆○描○新○樣○金○鍼○倚○繡○牀○深○情○却○悔○繡○鴛○鴦○繡○出○無○

情。蛺蝶。又。成。雙。

別況

淚落吹成絮。愁多亂似絲。儼人剛道莫相思。却是相思此夜起頭時。

閨夜

絳蠟啼千箸。冰蠶攪萬絲。空房香燼欲消時。冷暖爭如寶鴨腹中知。

吳齊賢曰三闋香心繡口
俊調幽思妙在字句之外

荷葉盃 第二體

閨夜

捲起一簾清景。孤影小。膽怯空庭。亂竹蕭蕭響。回屏聽摩聽。聽摩聽。

秦鄰仙曰如聞其聲如見其人

望江南

啜茶十詠

茶塢勝陽羨。鬱層巒。月峽澗流生。雀舌石巖霧曉出。龍團仙掌片峰寒。

又

茶筍別羅芥勝烏程廟後結花垂綠脚渚前分露種
紅英秀色帶烟輕

又

茶簾滿葉葉占先春翠靄擷齊雙鬢冷青絲籠就兩
檐新衣惹暗香塵

又

茶舍小石徑臥雲斜斑駁苔生青嶂影婆娑樹老綠
陰遮竹裏看煎茶

又

茶竈冷溪鳥逐烟光瑟瑟波沉霞脚碎輕輕色泛乳
花香翠釜合先嘗

又

茶焙煖沆瀣碧波融編竹候隨文武火開緘葉裹建
城籠一紙隔春風

又

茶泉沸第二擅中冷旋沫翻成魚眼動騰波聲作老
龍聽澗底覓樵青

又

茶甌潔碧盃醉春醪翠影香浮盧氏碗素瓷圓勝謝
家窰絲柳拂長條

又

茶品絕綴玉復含珠三十綾文酬博士兩篇茶錄問
君謨疎月下庭梧

又

茶候靜簾捲日初長片甲味分蟬翼薄丹丘陰益簞
紋涼應喚醒羲皇

阮亭曰宋人工作茶詞
無如此十闕得茶三昧

天石曰綠錯茶事虛實畢該鐫之嶺
上是謂茶銘藏之洞中卽云茶史

紅橋春遊詞

紅橋好聯騎出城闔映日遊絲繁曲徑撲天飛絮惹
香塵勝地占芳辰

又

紅橋好挈伴踏青遊紫陌驕嘶金勒馬碧波斜蘸綠
楊樓高會盡風流

又

紅橋好漱瀝画欄明曲折湘文搖箏縠玲瓏梵字漾

簾旌高下淥波平。

又

紅橋好。萬樹帶垂楊。新筍穿泥雲覆屋。疎籬列障竹。爲牆。魂斷舊雷塘。

又

紅橋好。搖曳酒旗紅。小立垂絲人語細。低回促坐笑聲濃。莫放綠樽空。

又

紅橋好。野店擅行厨。細切銀絲鹽下豉。新調玉鱸笋。

如酥餠。足歡呼。

又

紅橋好。画舫樹中移。萬縷輕黃珠戶映。半篙柔綠繡簾垂。春晝日遲遲。

又

紅橋好。聽曲和鶯簫。舞榭絲牽傀儡動。蘭舟風送管絃遙。翠袖暗相招。

又

紅橋好。遶徑印蒼苔。紈扇慢搖遮鬢影。玉纖小摘落

青梅佇立共徘徊。

又

紅橋好。懊惱是言歸好。鳥啼春相喚。住濃花對酒。欲爭飛客思正依依。

吳天篆曰流麗風華使紅橋佳勝飛來紙上矣

青墩初夏詞

青墩好。別業號蒼梧。萬樹濃陰含霧雨。滿園空翠映菰蒲。一幅輞川圖。

又

青墩好。四面一溪遙。絲縷風垂青捲幔。玻璃水漲綠平橋。樓閣暈春潮。

又

青墩好。一葦放中流。星渚頻移天上坐。岸花飛送鏡中遊。詩酒任沉浮。

又

青墩好。樂事勝花朝。芡舍蝦泥栽茉莉。小鬟敲竹護櫻桃。長日儘逍遙。

又

青墩好曲院扇和風。玫瑰斜簪雲鬢紫。薔薇高架錦屏紅。裁剪奪天工。

又

青墩好絕勝浣花溪。繞砌翅翻蝴蝶舞。映山血染杜鵑啼。烟景忽淒迷。

又

青墩好。跌坐蔭修篁。種擅烏桕收柿葉。絲牽青蔓種菱塘。拂袖滿幽香。

又

青墩好杖履入平蕪舊雨一枝鳩喚婦新巢千尺鶴
將雛相勸倒瓊蘇

又

青墩好對景且啣盃粉節新塗抽紫籜紅鹽初下摘
青梅懷抱一時開

又

青墩好荇藻積空明躍入錦鱗堪上箸網來文雉足
調羹腸斷一聲鶯

芝田曰輞川書中有詩青墩詞中有
畫摩詰象外忘言蒼悟言中忘象

瀟湘神

四女祠

四女祠四女祠白髮紅顏未嫁時但使寧親成孝子
不愁天下少男兒

又

楊柳枝楊柳枝碧瓦飄風散雨絲一樹棠梨春社後
千年畱得幾行詩

王什剛曰四女事一善便
某說得破正妙在不說破

搗練子

和內寄原韻

愁脉脉。水盈盈。握手臨歧無限情。慍着啼痕雙袖淚。
笑從花裏送郎行。

又

江樹隔。嶺雲開。歷盡東風未遣回。惆悵五更孤枕上。
與卿剛在夢中來。

又

消永夜。剔殘缸。暖語分明向綺窗。畱得別時千點淚。
羅衣猶未浣春江。

青際曰庭中有此燕婉舜民乃欲間
棹三湘叱馭五嶺因當浮一大白

字字雙

歡情

一枝容膝安復安金風玉露寒復寒
連呼儂字歡復歡歡情如月看復看

張月陵曰南唐
之音雅於北宋

憶王孫

江上

一江江水閱興亡花月春江事渺茫
江上風吹雁雨

行淚沾裳江北江南總斷腸

小鬟捧茶

二泉初汲碾旗槍。火沸松聲露沁香。鄭重雙鬟手自將。敢先嘗。春風滋味怯蕭郎。

一葉落

秋憶

一葉落。傷飄泊。寸心萬里闌干角。天邊望斷鴻。枝頭問靈鵲。問靈鵲。幾度渾如昨。

阮亭曰。寸心萬里闌干角。似古逸語。舜民拾得耳。

轉應曲

送別

相送相送。門外遠鐘殘。夢千山。萬水郎程。一夜五更。月明明。月明月。明月偏是照人離別。

阮亭曰天衣無縫

春閨

雙燕雙燕。春色啣來一片愛。伊畫閣多情。打散枝頭。曉鶯鶯。曉鶯曉。又聽子規啼早。

顧黃公曰調笑詞於轉應處尤難自然此曲得之

如夢令

夢後

枝上啼鵲如訴喚起離愁無數曲徑古雲深隔岸夢
中來路回顧回顧月約花陰西度

鄒程邈曰
妙在約字

閨情和李易安韻

忽地披衣起坐夢也分明真箇夢後更淒涼生怕夢
來難躲無那無那守着影兒伴我

閨別和王修微韻

半枕別時殘夢一紙離愁新詠昨夜月明中幾處小
橋霜凍相送相送淚濕輕衫寒重

阮亭曰自是北
宋名家風味

歸自遙

歸夢

東風急攜手羅幃情脉脉分明悄語鶯花夕
夢回
依舊關山隔空相憶春雲遮斷春歸迹

生洲曰迷離情
是兩時夢中景色

望江怨

閨怨

春雲晚。妾淚朝朝長在眼。影動湘裙展。平湖綠水明。
如剪難消遣。一夜正愁深。東風忽吹淺。

阮亭曰。以古樂府作詞。另有一種古色。如珠簾繡閣中著一商彝周鼎。便覺一切盤冶之氣盡除。

定西番

春暮集唐詞

隱映嚮屏開處

張泌

鶯對語

毛熙震

蝶飛狂

和凝

惜韶

光

馮延巳

羅袂從風輕舉

毛文錫

波影滿池塘

溫庭筠

高

捲水晶簾額。襯斜陽

張泌

天石日集句一氣渾
脫有加組如舞之妙

長相思

閨憶

梅。花。風。棟。花。風。二。十。四。番。花。信。風。花。開。花。落。中。吳。
江。東。楚。江。東。潮。落。春。江。東。復。東。春。魂。一。點。通。

又

曉。雲。峰。暮。雲。峰。郎。處。雲。深。第。幾。峰。愁。來。簇。兩。峰。水。
連。空。月。橫。空。剛。得。相。逢。總。是。空。相。逢。怕。夢。中。

生洲日二閑朦朧旖旎言情之妙
在卽離遠近之間斷推爲絕唱

相見歡

鴛鴦

珍禽兩兩迴翔。狎芳塘。惹得多情兒女。繡羅裳。嗔伊並驚伊散。忽分行。剛到荷花溪處。又雙雙。

齊賢曰。纏綿盡致。曲折盡情。是三百篇之遺。

望梅花

嶺南至日梅花盛開

何事。粵東無雪。萬樹垂垂。先白一線。初添疎影。夕零亂。冷烟殘月。庾嶺經年。驛使隔誰寄。江南消息。

生洲日即景直
寫本色當行

醉太平

舊遊

紅樓臥遊青樓夢遊舊遊重倚樓頭捲東風上鉤
春山欲浮秋波欲流粧成春影橫秋對花枝坐愁
椒峰日可謂
舌有青蓮

花間

花奴雁奴花姑鼠姑花間鳥喚提壺倩花間酒沽
龍芻鹿盧麟符象弧酣來斫地歌呼識人間故吾

生洲口酒酣拔劍
令我追憶王郎

錢歌

榆錢綠錢苔錢碧錢圓如錦石青錢弄芙蓉小錢
流錢雨錢連錢影錢小齋夜落金錢值東風幾錢

阮亭曰具此妙才何
必口不言阿堵耶

又

鄭錢沈錢繡錢側錢詩書爭似囊錢看空囊一錢
牀頭百錢杖頭百錢張公萬選青錢選劉公大錢

青際曰此豈可作小詞觀
耶直是峭嶮山碑觀矣

薄命女

有約

花陰悄。羅襪潛移芳徑小。小驚起。枝頭鳥。幾遍。畫闌
閒倚。無數心烟空裊。只恐星光天欲曉。旋把燈吹了。
芝田曰。想爾時情事。固應爾爾。

夜聽搗衣聲

聲淒切。一派清砧愁欲絕。萬戶秋光滴。遠如繁箏
響。急近似寒蛩低咽。夢斷玉關無信息。思婦心偏結。

生洲曰。淒。

涼欲絕。

生查子 第一體

閨怨

送郎上車輪。車遠郎亦遠。願作車後塵。處處隨郎轉。
郎行轍不歸。妾淚不離眼。看取眼淚痕。與轍誰深淺。

阮亭曰：是樂府。是以樂府作詞。古雋異人。

閨情集唐詩

欲試一寸心。施肩吾試妾與君淚。孟郊寄向故園流。岑參
空望去時水。張潮不省出門行。王涯想君發揚子。

李白
錯認幾人船。劉采春
日暮情何已。王勃

又

應爲別離多。王之渙
愁眠羅帳曉。袁曄
是妾斷腸時。李白

誰知妾懷抱。劉雲
嬌郎癡若雲。李商隱
夜夜夢中到。

孟郊
春意罷簾櫳。崔灝
暗飛螢自照。杜甫

又

悲妾似花身。杜荀鶴
能得幾時好。李白
空將淚見花。孟郊

花落知多少。孟浩然
不復理殘機。張九齡
織錦心草草。

李白
頻放剪刀聲。薛維翰
雙睂燈下掃。權德輿

黃公曰集來便是詞
家語氣可謂天工

醉公子

閨情集唐詩

獨坐裁新錦

薛維翰

天寒剪刀冷

蓋嘉運

方覺淚難裁

張祐

丹心一寸灰

杜甫

曉臥半牀月

孟郊

月落子規歇

溫庭筠

歸在落花前

崔湜

春風正可憐

蔣冽

又

破得東風恨

李賀

畏人相借問

楚令狐

還恐是愁中

任蕃

銀牀一半空

楚令狐

倘隨明月去

張文收

月滿門前路

李賀猶有萬重思皮日休歸心夢獨知元稹

又

落花相與恨陸龜蒙即是春風盡高駢不敢怨春風曹

細看枝上紅任蕃遙將一點淚李白雨處滴池水

孟郊池水曉來漲郎士元長懸零落心雍陶

又

裊裊城邊柳張仲素駘蕩郎知否徐凝爭取最長條令狐

楚相思一水遙李白相思杳如夢李白莫引西風

動陸龜蒙剪蠟淚爭流李商隱殘燈照臥幽司空圖

生洲日四闌一意反覆如出一
手化工之筆自推辭民獨步矣

春光好

過沉香亭址

荒亭北夕陽空晚烟籠傾國名花何處只春風自
是羽衣塵土采蘋休怨樓東一樣梨花寒食夜翠微
中

阮亭曰只有春風無限恨更無人
倚玉闌干可勝美人黃土之感

蝴蝶兒

本意和唐人張泌韻

蝴蝶兒。繡窗時。怪他輕薄。上郎衣。停針試覩伊。且
把羅巾撲。休教捉對飛。褪殘香粉。畫牆脂。依然雙翅
垂。

黃公曰。和唐韻。却是唐詞。不入宋元以後一
筆。此舜民慘淡經營處。字字匠心。真爲名手。

昭君怨

昭君塞外命。重製琵琶曰。渾不似。

莫謂漢宮人。巧便有琵琶。難尙。毳帳草蕭蕭。夢魂遙。
薄命玉容如此。值得一聲情死。邊月下。祈連影。堪
憐。

沈子玉曰千載琵琶曲中哀
怨得此可廢漢宮吳地諸詞

太平時

閨怨

寶瑟淒涼怨歲華倚窗紗箇儂生性似楊花逐風斜
忽聽一聲啼杜宇自嗟呀年年啼罷不還家只天
涯

芝田曰口
角傷永

拋毬樂

美人蹴鞠

香閣粧成約伴來。斜穿鞠域映樓臺。紅巾吹向紅幫。
亂波影輕搖髻影。開猛被檀奴覷。潛匿花陰去不回。
黃公曰紅巾吹向紅幫亂忙人冷眼始不隨人觀場

女冠子

登穹窿山贈施鍊師

穹窿飄緲碧海三山瑤草。劒光寒玉釜。滋晴露瓊花。
護蘸壇靈隨龍竹引香逐鳳簫。殘隱現金天掌是。
毫端。

生洲曰是一首絕妙遊仙詩填詞中獨推大雅

閨人禮佛

寶蓮幢畔清曉纖纖頻盥到香臺
唵隨烟結菩提帶樹開粉痕侵貝
葉心字印爐灰更把鸚哥教念如
來

醉花間

卽事擬毛文錫體

休相近還相近相近低聲問昨夜
夢中人暗送橫波認情多不諱癡
愛極翻成恨來朝怕別離又把啼
痕搵

生洲日換頭二句千
古情語無此透宗

密怨

莫相怨頻相見相見何曾怨一見一迴眸羞昵旁人
面波瀾任枕衾猜妬真歡戀懊惱是春風郎處春
風便

黃公月猜妬愈見歡戀是
情至語非箇中人不知

點絳脣

春歸

杜宇年年聲聲只喚春歸去春歸何處且把簾垂住

簾捲東風春竟穿。簾去畱難住。放春歸去來。歲春來處。

黃公日多情。宛轉只是無聊。

閨人語燕和李清照韻

燕子雙雙阿誰繫得紅絲縷。粧臺嚙去落盡香泥雨。好向郎邊細語相思緒。歸來處。瀟湘烟水珍重江

南路

賀天山曰如此叮嚀。抵得紅箋十幅也。

濕羅衣

雨中度茗嶺

盤盤石磴插天高。茫茫嶂海波濤。霧合芒鞋雲生縕袍。奔流飛澗千條響。層霄光搖綠篠香。清紫筍名芥。翠影迢遙。

生洲曰香氣若
流翠色欲滴

浣溪紗

春閨迴文

鶯語聽殘春院晴。屏雲倚共晚寒凝。黛痕愁入遠峰青。庭滿落花香寂寂。聲和玉漏夜清清。輕紅拂夢

曉來醒

倒讀一首

醒來曉夢拂紅輕。清夜漏玉和聲寂。寂香花落
滿庭。青峰遠入愁痕黛。凝寒晚。其倚雲屏晴院。
春殘聽語鶯。

生洲日黛痕愁入
遠峰青顛倒入妙

春閨集唐詞

綺陌春淡翠袖香。

馮延巳

水紋簾冷画屏涼。

和凝

月窗

花徑夢悠颺。

李珣

將見客時微掩欵。

孫光憲

幾回拚

却又思量李珣此情誰會倚斜陽張泌

菩薩蠻

閨情集唐詩

閒倚繡簾吹柳絮李商隱已成殘夢隨君去顧况明月

爲誰圓羅鄴情教細語傳常非春風別有意李義

憑添兩行淚岑參悵望此何時李頎祇應君自知張

青際曰集句出君手筆墨之痕俱化矣能不歎絕

卜算子

秋閨集唐詩

花點石榴裙。

李元

蟲響燈光薄。

李賀

心怯空房不忍

歸。王維

風動鞦韆索。

韓偓

望月想蛾眉。

元稹

菊露

淒羅幕。

韓偓

幾度金刀試剪裁。

盧延

紅淚雙雙落。薛

翰

芝田曰：如揆天孫之錦，
燦爛陸離，不可名狀。

減字木蘭花

浴溫泉

九龍湯沸。范陽水設。魚龍戲洗罷。奚兒翻作奚兒洗。
馬池。倉皇西幸。馬嵬坡下。長生竟。河水湯湯。南內。

無人有壽王

又

夜。淡。清。影。芳。草。不。生。泉。欲。冷。繡。嶺。花。開。盡。逐。東。流。去。
不。迴。梨。園。按。曲。羯。鼓。聲。中。鼙。鼓。蹙。紅。粉。成。灰。村。笛。
還。吹。阿。濫。堆。

阮亭曰僕過驪山賦懷古人絕句其一云鸚鵡猶
能問上皇野棠風折繚垣長銷魂此日朝元閣親
試華清第二湯又蜀王音信杳天涯青鳥西飛日
又斜斷粉零香誰得見承恩只有玉蓮花又不復
黃衫舞馬牀更無片段荔枝筐祇餘今古青山色
畱與詩人弔夕陽又空城幾曲水潺潺松栢淒涼
滿舊山輦道無人秋草合年年鳴咽到人間雨
窗讀舜老此詞昔遊如夢輒憶數首附著于此

黃公曰董詞阮詩雙絕

又曰南內無人有壽王七字鐵筆

巫山一段雲

悼友

雨灑空牀。笛風號敗壁。琴泉臺。一別信沉沉。腸斷到
而今。把酒魂應絕。題詩涕不禁。孤燈悄向夢中尋。
路隔小窗陰。

芝田曰。愴惻山陽。不禁哀涕。舜民固是至性人。讀此而不下淚者。其人必不友。